

“ZAVOD ZA VODOPRIVREDU “ D.D. SARAJEVO

SKUPŠTINA DIONIČARA

Broj: XXVIII SK-05-21-11-13/20

Dana, 08.12.2020.godine

Na osnovu čl. 234. st.1. t. e) Zakona o privrednim društvima („Sl. novine FBiH“, br. 81/15) i čl. 74. st.1 t. 5) Statuta “Zavoda za vodoprivredu” d.d. Sarajevo – Prečišćen tekst, na prijedlog Nadzornog odbora, Skupština Društva na vanrednoj sjednici održanoj dana 08.12.2020. godine, donijela je sljedeću

ODLUKU
o rasporedu dobiti i isplati dividende

Član 1.

Neto dobit ostvarena po Godišnjem izvještaju o poslovanju Društva za 2019. godinu u iznosu od 392.480,13 KM (slovima: tri stotine devedeset dvije hiljade četiri stotine osamdeset i 13/100 KM), koja je na osnovu Odluke Skupštine dioničara broj XXVII SK-05-21-11- 6 /20 od 29.06.2020.godine knjižena kao neraspoređena dobit na kontu 340 bilansa stanja, ovom odlukom se raspoređuje na sljedeći način:

- (a) Dio dobiti u iznosu od 200.000,00 KM (slovima: dvijestotinehiljada KM) za isplatu dividende dioničarima;
- (b) Ostatak dobiti u iznosu od 192.480,13 KM (slovima: stotinu devedeset dvije hiljade četiri stotine osamdeset i 13/100 KM) raspoređuje se u Druge rezerve - reinvestiranje dobiti (konto 32212 bilansa stanja) u cilju očuvanja likvidnosti i obezbjeđenja sigurnosti poslovanja Društva.

Član 2.

Dividenda se isplaćuje dioničarima koji na dan donošenja ove Odluke budu evidentirani na listi dioničara kod Registra vrijednosnih papira u Federaciji BiH, proporcionalno njihovom učešću u kapitalu Društva, odnosno u visini od 0,4376 KM po dionici.

Član 3.

Dividenda se uplaćuje dioničarima na račun kod poslovnih banaka.

Dioničari koji imaju pravo na dividendu dužni su u roku od 10 (deset) dana od dana objavljivanja obavještenja o isplati dividende na web stranici Društva, odnosno u dnevnim listovima u BiH, dostaviti Društvu uplatni račun za uplatu dividende. Zbog nedostavljanja računa za uplatu dividende dioničari nemaju pravo potraživanja po osnovu kamate ili bilo koje druge naknade za period za koji su sredstva bila na računu Društva.

Član 4.

Dividenda će se isplatiti u roku od 40 (četrdeset) dana od dana donošenja ove Odluke.

Dioničarima koji ne dostave račun za uplatu dividende u roku iz čl.3. st. 2. ove odluke, isplata dividende će se izvršiti u roku od 30 dana po dostavljanju računa za uplatu.

Član 5.

Za realizaciju ove Odluke zadužuje se Uprava Društva.

Obavještenje o isplati dividende objaviće se na web stranici Društva i dnevnim listovima u roku od 7 (sedam) dana od dana donošenja ove odluke.

Odluka stupa na snagu danom donošenja.

Dostaviti:

- Na oglasnu ploču Društva
- Nadzornom odboru
- Registar Skupštine
- a/a



PREDSJEDNIK
SKUPŠTINE

Elmedin Hadrović
Elmedin Hadrović